

## اتوار 14 دسمبر، 2025

### مضمون۔ رب انسان نوں بچان والا

سنہری متن: متی 26 باب 53 آیت

”کیہ تینوں نسیں لگدا پئی میں اپنے پیوتوں منت کر سکدا اوں تے اوہ فرشتیاں دے باراں شمن توں بوہتے ہن میرے کول موجود کر دیوے گا؟“

جوابی پڑھائی: زبور 91 باب 1 توں 11، 7، 12 آیتاں

- 1۔ جیہڑا حق تعالیٰ دے پردے وچ رہندا اے، اوہ قادر مطلق دے پر چھانویں وچ سکونت کرے گا۔
- 2۔ میں خداوند دے بارے آکھاں گا اوہ ای میری پناہ تے میرا گڑھ اے۔ اوہ میرا رب اے جیدے اُتے میرا توکل اے۔
- 3۔ کیوں جے اوہ تینوں صیاد دے پھندے تے مہلک و باتوں چھڑائے گا۔
- 4۔ اوہ تینوں اپنے پراں وچ لکھو لے گا۔ تے تینوں اوہدیاں بانہواں میٹھاں پناہ ملے گی اوہدی سچائی ڈھال تے سپرے نیں۔
- 5۔ تونہ رات نوں ہیبت توں ڈریں گاتے نہ دن نوں اُٹن والے تیر توں۔
- 6۔ نہ اوس و باتوں جیہڑی ہنیرے وچ چل دی اے۔ نہ اوس ہلاکت توں جیہڑی دوپہر نوں ویران کر دی اے۔
- 7۔ تیرے ارد گرد ہزاراں ڈگ جان گے تے تیرے سچے ہتھ ول دس ہزار پر اوہ تیرے کول نہ آوے گی۔

- 11- کیوں جے اوہ تیرے بارے اپنے فرشتیاں نوں حکم دیوے گا پئی تیریاں ساریاں راہواں وچ تیری راکھی کرن۔
- 12- اوہ تینوں اپنے ہتھیں اُتے چک لین گے تاں جو ایہداں نہ ہووے پئی تیرے پیر نوں پتھر نال سٹ لگے۔

## درسی وعظ

## بائبل وچوں

### 1- زبور 91 باب 14 توں 16 آیتاں

- 14- کیوں جے اوہنے میرے نال دل لایا اے ایس لئی میں اوہنوں چھڑاواں گا۔ میں اوہنوں سرفراز کراں گا کیوں جے اوہنے میرا نال پچھانیا اے۔
- 15- اوہ مینوں پکارے گاتے میں اوہنوں جواب دیواں گا۔ میں مصیبت وچ اوہدے نال رہواں گا۔ میں اوہنوں چھڑاواں گاتے اوہنوں عزت بخشاں گا۔
- 16- میں اوہنوں عمر دی درازی نال آسودہ کراں گاتے اپنی مکتی اوہنوں دکھاواں گا۔

### 2- 2 سلاطین 2 باب 1 (ایہہ)، 7، 11، 12 (توں پہلی)، 14، 15 (توں پہلی)، 19، 21 (توں پہلی)، 21 (تے آکھیا)، 22 آیتاں

1۔۔۔ تے جد خداوند ایلیاہ نوں واں ورھولے وچ اسمان اُتے چکن والا سی تے ایخ ہوئی پئی ایلیاہ الیشع نوں نال لے کے جلال چوں نکلیا۔

7۔ تے انبیاء زادیاں وچوں پجاء بندے جا کے اوہناں دے سامنے دور کھڑے ہو گئے تے دونوں یردن دے کنڈے کھڑے ہو گئے۔

8۔ تے ایلیاہ نے اپنی چادر لئی تے اوہنوں لویٹ کے پانی اُتے ماریا تے پانی دو حصے ہو کے ایسدھر اودھر ہو گیا تے اوہ دونوں خشک دھرتی اُتے ہو کے پار چلے گئے۔

9۔ تے جد اوہ پار ہو گئے تے ایلیاہ نے الیشع نوں آکھیا پئی ایس توں پہلاں میں تیتھوں لے لیا جانواں مینوں دس پئی میں تیرے لئی کیہ کراں؟ الیشع نے آکھیا میں تیری منت کرداں پئی تیری روح داؤ گنا حصہ میرے اُتے ہووے۔

10۔ اوہنے آکھیا توں اوکھا سوال کیتا فیر وی بے توں مینوں اپنے توں وکھ ہندیاں ویکھیں تے تیرے لئی ایخ ای ہووے گا۔ بے ننیں تے فیر ایخ ننیں ہووے گا۔

11۔ تے اوہ اگے ٹردے تے گلاں کر دے جان دے سی پئی ویکھواک آتشی رتھ تے آتشی گھوڑیاں نے اوہناں دونوں نوں وکھ کر دتا تے ایلیاہ واں ورھولے وچ اسمان اُتے ٹر گیا۔

12۔ الیشع ایہہ ویکھ کے چلایا اے میرے باپ! میرے باپ! اسرائیل دے رتھ تے اوہدے سوار! تے اوہنے اوہنوں فیر نہ ویکھیا۔ تے اوہنے اپنے کپڑیاں نوں پھڑکے پھاڑ دتا تے دو حصے کر دتا۔

14۔ تے اوہنے ایلیاہ دی چادر نوں جیہڑی اوہدے اُتوں ڈگ پئی سی لے کے پانی اُتے ماریا تے آکھیا پئی خداوند ایلیاہ دا رب کتھے اے؟ تے جدوں اوہنے وی پانی اُتے ماریا تے اوہ ایدھر اُدھر دو حصے ہو گیا تے الیشع پار ہو گیا۔

15۔ جدوں انبیاء زادیاں نے جیہڑے یر بخو وچ اوہدے نال سی اوہنوں ویکھیا تے اوہ آکھن لگے ایلیاہ دی روح الیشع اُتے ٹھہری اے تے اوہ اوہدے استقبال نوں آئے تے اوہدے آگے دھرتی تیکر جھک کے اوہنوں سجدہ کیتا۔

19۔ فیر اوس شہر دے لوکاں نے الیشع نوں آکھیا زرا ویکھ ایہہ شہر کنسے چنگے ویلے تے اے جیویں ساڈا خداوند آپ ویکھدا اے پر پانی خراب تے دھرتی بخر اے۔

- 21۔ تے اوہ نکل کے پانی دے چشمے اُتے گیا تے اوہ لون اوہدے وچ پا کے آکھن لگیا خداوند اِنج آکھدا اے پئی میں ایس پانی نوں ٹھیک کر دتا اے ہن اگاں توں ایس دے وچ موت یا بخر پانی نہ ہووے گا۔
- 22۔ ایس لئی ایشع دے کلام دے مطابق جیہڑا اوہنے آکھیا اوہ پانی اِنج تیکر ٹھیک اے۔

### 3۔ زبور 68 باب 17 آیت

- 17۔ رب دے رتھ وی ہزار بلکہ ہزاراں نیں۔ خداوند جیویں سینا دے پہاڑ اُتے اے اونچ ای اوہناں دے وچالے مقدس وچ اے۔

### 4۔ خروج 23 باب 20، 25 آیتاں

- 20۔ ویکھ میں اک فرشتہ تیرے اگے گھلداواں پئی راہ وچ تیرا نگہبان ہووے تے تینوں اوس تھاں تے آپڑا دیوے جنہوں میں تیار کیتا اے۔
- 25۔ تے توں خداوند اپنے رب دی عبادت کریں فیرا وہ تیری روٹی تے پانی اُتے برکت دیوے گاتے میں تیرے وچوں بیماری نوں دور کر دیواں گا۔

### 5۔ 2 سلاطین 6 باب 8 توں 23 آیتاں

- 8- شاہ ارام شاہ اسرائیل نال لڑ رہیا سی تے اوہنے اپنے خادماں نال صلاح کیتی تے آکھیا پئی میں فلاں فلاں تھان اُتے ڈیرہ لاناواں گا۔
- 9- ایس لئی رب دے بندے نے اسرائیل نوں آکھ کے گھلپائی خبر دار توں فلاں تھان توں نہ لنگیں کیوں جے او تھے ارامی آؤن والے نیں۔
- 10- تے شاہ اسرائیل نے اوس تھان اُتے جیدی خبر رب نے دتی سی تے اوہنوں آگاہ کر دتا سی بندے گھلے تے او تھوں اپنے آپ نوں بچایا تے بس ایہہ اک یاد دوا ری نیں۔
- 11- ایس گل توں شاہ ارام دادل بوہت بے چین ہو گیا تے اوہنے اپنے خادماں نوں بلا کے اوہناں نوں آکھیا کیہ تسی مینوں نیں دسو گے پئی ساڈے وچوں کون اسرائیل ول اے۔
- 12- تد اوہدے خادماں وچوں اک نے آکھیا نیں اے میرے مالک! اے بادشاہ! بلکہ ایشع جیہڑا اسرائیل وچ نبی اے تیریاں اوہناں گلاں نوں جیہڑیاں توں خلوت گاہ وچ آکھدا ایس شاہ اسرائیل نوں دس دیندا اے۔
- 13- اوہنے آکھیا پئی جا کے ویکھ اوہ کتھے اے تاں جو میں اوہنوں پھڑوا کے منگواواں تے اوہنوں دسیا گیا پئی اوہ دوتن وچ اے۔
- 14- تد اوہنے او تھے گھوڑیاں تے رتھان تے اک وڈھے جتھے نوں گھلپاتے اوہناں نے راتوں رات آکے اوس شہر نوں گھیر لیا۔
- 15- تے جد اوس رب دے بندے دا خادم صبح نوں اُٹھ کے باہر نکلیا تے ویکھیا پئی اک جتھا گھوڑیاں تے رتھان اُتے شہر دے آل دوال اے تے اوس خادم نے جا کے اوہنوں آکھیا ہائے اے میرے مالک! اسی کیہ دعا کریئے؟
- 16- اوہنے جواب دتا ڈرنہ کیوں جے ساڈے نال والے اوہناں دے نال والیاں توں بوہتے نیں۔
- 17- تے ایشع نے دعا کیتی تے آکھیا اے خداوند اوہ دیاں اکھیاں کھول دے تاں جو اوہ ویکھ سکے تد خداوند نے اوس جوان دیاں اکھیاں کھول دتیاں تے اوہنے جد نگاہ کیتی تے کیہ ویکھیا پئی ایشع دے آلے دوالے دا پہاڑ آتشی گھوڑیاں تے رتھان نال بھریا اے۔

- 18- تے جد اوہ اوہدے ول آؤن لگے تے الیشع نے خداوند توں دعا کیتی تے آکھیا میں تیری منت کرداواں ایہناں لوکاں نوں انھا کر دے ایس لئی اوہنے جیویں الیشع نے آکھیا سی اوہناں نوں انھا کر چھڈیا۔
- 19- فیر الیشع نے اوہناں نوں آکھیا پئی ایہہ اوہ راہ نیں اے تے نہ ایہہ اوہ شہر اے۔ تسی میرے مگر ٹر و تے میں تہانوں اوس بندے دے کول اپڑا دیواں گا جنہوں تسی لبھدے او تے اوہ اوہناں نوں سامریہ نوں لے گیا۔
- 20- تے جد اوہ سامریہ وچ اپڑے تے الیشع نے آکھیا اے خداوند ایہناں لوکاں دیاں اکھیاں کھول دے تاں جو اوہ ویکھ سکے۔ تد خداوند نے اوہناں دیاں اکھیاں کھول دتاں تے اوہناں نے نظر کیتی تے کیہ ویکھیا پئی سامریہ دے اندر نیں۔
- 21- تے شاہ اسرائیل نے اوہناں نوں ویکھ کے الیشع نوں آکھیا پئی اے میرے باپ کیہ میں اوہناں نوں مار دیواں؟ میں اوہناں نوں مار دیواں؟
- 22- اوہنے جواب دتا پئی توں اوہناں نوں نہ مار۔ کیہ توں اوہناں نوں مار دیناں ہنلاں ایں جنہاں نوں توں اپنی تلوار تے کمان نال قیدی کر لیناں ایں؟ توں اوہناں دے اگے روٹی پانی دھرتاں جو اوہ کھان پین تے اپنے آقادرے کول جان۔
- 23- ایس لئی اوہنے اوہناں لئی بوہت سارا کھانا تیار کیتا تے جد اوہ کھاپی چکے تے اوہنے اوہناں نوں رخصت کیتا تے اوہ اپنے آقادرے کول ٹر گئے تے ارام دے جتھے اسرائیل دے ملک وچ فیر نہ آئے۔

## 6۔ یسعیاہ 63 باب 9 (فرشتہ)، 16 (تسی، اے)

- 9۔۔۔ اوہدے حضور دے فرشتے نے اوہناں نوں بچایا۔ اوہنے اپنی اُلفت تے رحمت نال اوہناں دا فدیہ دتا۔ اوہنے اوہناں نوں چکیا تے قدیم توں ہمیشہ اوہناں لئی پھریا۔
- 16۔۔۔ توں اے خداوند ساڈا پیوتے فدیہ دین والا ایں۔ تیراناں ازل توں اے۔

## سائنس تے صحت

## 1- 24-23:151

اوہ الہی سیان جنسے انسان نوں بنایا اپنی صورت تے شبیہ نوں قائم رکھدا اے۔

## 2- 17-11:331 (دی)-17

صحیفے دلیل دیندے نیں پئی رب قادر مطلق اے۔ ایس دے توں ایہہ گل واضح ہندی اے پئی الہی سیان تے اوہدے خیالاں دے علاوہ کوئی شے نہ اصلیت دی ملکیت رکھدی اے نہ وجودیت دی۔ صحیفے ایہہ وی بیان کردے نیں پئی رب روح اے۔ ایس لئی روح وچ سب کچھ ہم آہنگی اے، تے کوئی مخالفت نہیں ہو سکدی؛ سب کچھ حیاتی اے تے موت بالکل نہیں اے۔ رب دے سنسار وچ ہر شے اوہنوں ای ظاہر کردی اے۔

## 3- 7-3:84

پرانے نبیاں نے اپنی پیش بینی اک روحانی، غیر جسمانی نقطہ نظر توں حاصل کیتی نہ کہ بدی دی پیش گوئی کرن تے کسے افسانے نوں غلط اصلیت بناؤن نال کیتی، نہ ای انسانی عقیدے تے مادے دے بنیادی کم نال مستقبل دی پیش گوئی کرن نال کیتی۔

## 4- 20-14،11-9:269 (انسان)-11،14-20

انسانی فلسفے نے رب نوں انسان ورگنا بنا دتا اے۔ کر سچن سائنس انسان نورب ورگنا بناؤندی اے۔ پہلی صورت غلطی اے؛ جد کہ دوجی سچائی اے۔۔۔ مابعد الاطبیعات طبیعات توں اُچی ہندی اے، تے مادہ مابعد الاطبیعاتی حاطیاں یا نتیجیاں وچ نئیں وڑھدا۔ مابعد الاطبیعات دی جماعت بندی اک بنیاد اُتے قائم ہندی اے، یعنی الٰہی سیان اُتے۔ مابعد الاطبیعات شیواں نوں خیالاں وچ بدل دی اے، فہم دیاں شیواں نوں روح دے خیالاں دے نال باہم وٹاؤندی اے۔

ایہہ خیال پورے طور تے اصلی تے روحانی ضمیر لئی ٹھوس ہندے نیں، تے ایہناں نوں مادی فہم دیاں شیواں تے خیالاں اُتے ایہہ ای فوقیت حاصل اے، اوہ چنگے تے ہمیشہ دے ہندے نیں۔

5- 7-581:4

فرشتے۔ رب دے خیال انسان تیکر آپڑان والے؛ روحانی الہام، پاک تے کامل؛ چنگیائی، پاکیزگی تے لافانیت دا اثر، ساری بریائی، ہوس پرستی تے فانیت دی مذمت کرن والے۔

6- 23-13:518

رب اپنے آپ دا تصور وڈھے دے نال اک رابطے لئی چھوٹے نوں دیندا اے، تے بدلے وچ، وڈھا ہمیشہ چھوٹے دی حفاظت کردا اے۔ روح دے امیر لوک وڈھی بھرا بندی وچ، اک اصول یا پیودے راہیں، غریباں دی مدد کردے نیں تے دھن اے اوہ بندہ جیہڑا دوجے بندے دی بھلیائی وچ اپنی بھلیائی ویکھدا اے، اپنے بھرا دی لوڑ ویکھدا اے تے

پوری کردا اے۔ پیار ماڑے روحانی خیال نوں طاقت، لافانیت تے بھلیائی دیندا اے جیہڑا ساریاں وچ ایچکھدا اے جیویں اک نویں ڈھوڈی ٹہنی اُتے چمکدی اے۔

7- 29-8:566

پرانا عہد نامہ فرشتیاں نوں رب دے الی سنیے، مختلف کم دیندا اے۔ میکائیل دی خاصیت روحانیت دی مضبوطی اے۔ اوہ پاپ دی طاقت، شیطان دے خلاف لشکراں دی راہنمائی کردا اے، تے پاک لڑائی لڑدا اے۔ جبرائیل دے کول ازلوں موجود پیار دے بارے شعور نوں اجاگر کرن دی ذمہ داری اے۔ ایہہ فرشتے ساہنوں گہرائی توں بچاندے نیں۔ سچائی تے محبت افسوس دے موقع اُتے نیہرے آجاندا نیں، جدوں مضبوط ایمان تے روحانی طاقت آپس وچ کشتی کردی تے رب دے فہم دے پاروں پھیلدی اے۔ اوہدی حضوری دے جبرائیل داکوئی مقابلہ نیں۔ لا تنہا ہی ہمیشہ موجود محبت لئی سب کچھ محبت اے، تے کوئی غلطی، پاپ، بیماری نیں تے نہ موت اے۔

8- 17-13:469 (دی)

غلطی نوں تباہ کرن والی اعلیٰ سچائی رب یعنی چنگیائی کلی سیان اے تے ایہہ پئی لامحدود سیان دی جعلی مخالف، جنہوں شیطان یابدی آکھیا جاندا اے، سیان نیں، سچائی نیں بلکہ غلطی اے، جیہڑی اصلیت تے ذہانت توں دکھ اے۔

9- 24-4:387

ایہہ ناں دی ای فانی سیان دا قانون اے جنہوں مادے دا پٹھاناں دتا گیا اے، جیہڑا ساریاں شیواں وچ اختلاف دی وجہ بن دا اے۔

مسیحیت دی تاریخ اوس اسمانی پیو، قاد مطلق سیان، دے دتے ہوئے اثراں تے حفاظت کرن والی طاقت دے شاندار ثبوتوں نوں سامنے لیاؤندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچا سکدا اے نہ صرف آزمائش توں بلکہ جسمانی دکھاں تووی۔

مسیحی شہید کر سچن سائنس دے نبی سی۔ الہی سچائی دی ترقی دین والی تے مخصوص کیتی ہوئی طاقت دے راہیں اوہناں نے بدنی حساں اُتے فتح پائی، اجیہی فتح جنہوں بس سائنس ای واضح کر سکدی اے۔

10- 17-12:503

غلطی دے ہنیرے توں الہی سائنس، یعنی رب دا کلام ایہہ پئی ”رب کل داحاکم“ اے تے از لوں موجود پیار دی لو سنسار نوں روشن کردی اے۔ ایس لئی ہمیشہ دا عجبہ، پئی لا متناہی خلا رب دے خیالاں نال آباد اے، جیہڑا بیشمار روحانی شکلاں نال اوہدی عکاسی کردا اے۔

11- 32:24-7:9 بس

”توں اپنے سارے دل، اپنی ساری جند تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایہتھے تیکر پئی بس مادی احساس، افسوس تے عبادت۔ ایہہ مسیحیت دا ایلڈ وراڈوا اے۔ ایہدے وچ

حیاتی دی سائنس شامل اے تے ایہہ روح اُتے الٰہی قابو دی پچھان کر دی اے، جیدے وچ ساڈی روح ساڈی مالک بن جاندی اے تے مادی حس تے انسانی مرضی دی کوئی تھاں نہیں رہندی۔

لگاتار دعا کرن دی تاہنگ ٹھیک اے۔

## 12- 28-21:269

مادی حساں دی ایہہ گواہی نہ تے مطلق اے نہ الٰہی اے۔ ایس لئی میں اپنے آپ نوں غیر محفوظ طریقے نال یسوع دیاں، اوہدے چیلیاں دیاں، نبیاں دیاں تعلیماں تے سیان دی سائنس دی گواہی اُتے قائم کرداواں ایہتھے دوجیاں نیئیاں بالکل نہیں۔ باقی سارے نظام، اوہ نظام جیہڑے پوری طراں یا جزوی طراں مادی حساں توں حاصل کیتے ہوئے علم اُتے نیوں رکھدے نیں، اجیسے کانے نیں جیہڑے ہواناں ہلدے نیں نہ کہ چٹان اُتے بنائے گئے گھر نیں۔

## 13- 31-29:224 (توں دوجا)

رب دی قدرت قیدی نوں رہائی دواندی اے۔ کوئی طاقت الٰہی پیار دامتقابلہ نہیں کر سگدی۔

## 14- 17-14:372

جد انسان پورے طور تے کر سچن سائنس دا اظہار کرے گا تے اوہ کامل ہو جاوے گا۔ اوہ نہ تے پاپ کر سکدا اے، نہ مادے دے بیٹھاں ہو سکدا اے تے نہ ای رب دے قانون دی نافرمانی کر سکدا اے۔ ایس لئی اوہ اسمان اُتے فرشتیاں وانگر ہووے گا۔

15- 32-5:470

سائنس وچ رب تے انسان، الٰہی اصول تے خیال دے تعلقات لازوال نیں؛ تے سائنس بھل چک جان دی اے نہ ہم آہنگی ول پرت کے آؤنا، پر ایہہ الٰہی ترتیب یا روحانی قانون رکھدی اے جیدے وچ رب تے جو کجھ اوہ بناؤندا اے کامل تے ابدی نیں، جیہڑے اوہدی پوری تاریخ وچ نہ بدلن والے رہے نیں۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الٰہی سچپائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔